



सानसेयारि 'बड'सा' ख्यैरालाइयाव  
स्मनाज्यादि जिज्जो लोब्बा थानाय रायथाय, खन्थाय,  
सल', सल'बाथा आरु बावबायादि थावनि, पार्क  
बाइदिनि स्यायाव लिन्नाय लिन्नाय दिशाय ठरु।  
सानसेयारि 'बड'सा' ख्यैरालाइया खेबखानानै  
फोसावगोव।  
बड'स्यायाव लिन्नायथाय हुबा खालाम,  
'बड'सा' ख्यै नोथां, जो बयबो आंगो खालाम।  
सानसेयारि बड'सा मावखुलि  
माइब नोगोर, जोहोलाव दैमालु लामा  
कक्राझार, बिदिसि-783370  
Website: www.bodosanewspaper.com

BODOSA ★ A Bodo News Daily ★ Monday ★ 13 May, 2024 Kokrajhar, BTC, Assam ★ Vol.- 34, Issue No. 47 ★ R.N.I. Regd.No. 40994/91, Assam Govt. Regd.No. IPRD.40/2006/3, ★ Rs.8/-

## राइज्यो बेंगिरिआ नारायण सेवा संस्थाननि गिबि आर्टिफिसियल अंग बादायाव बाहागो लादों

### सुबुं सिबिनायानो बयनिखुइबो साबसिन धोरोमः राइज्यो बेंगिरि

गुवाहाटी, 12 मे: "सिबिथाया बावसोमनायनि फोरमायनाय।" असमनि राइज्यो बेंगिरि गुलाब चन्द कटारियाआ पल्टन बाजारनि आपसारा हलआव बेंगुवा सुबुंफोरनि सिबिथायनि थाखाय खुंनय बेसेन नाडै नारायणा आर्टिफिसियल लिम्ब मेजरमेन्ट कैम्पआव बाहागो लानानै बे बाश्नाखौ बुडो। राइज्यो (□ 5 बिलाइआव)



## लकसभा बिसायख 'थि 2024 दिनै ब्रैथि खोलोबनि भट थुनाया खुंजागोन



डिजिटल डेस्क, 12 मे: बिसायख 'थि आयगआ फोसावनाय फारिलाइ बायदियै हादतआव मोन 7 खोलोबयाव लकसभा बिसायख 'थिआ खुंजागासिनो दड। आथिखालाव खेबथाम खोलोबनि बिसायख 'थिया खुंजाजालाबाय। मोनथाम खोलोबयाव दर 46 राइज्योआव गासै मोन 285 बियाबआव बिसायख 'थिआ खुंजाबाय। फेगौ समबारखालि (□ 5 बिलाइआव)

## बिजेपिआ नगावआव 20 जौखोन्दो मुसलमानफोरनि भट मोनगोन, बेरेखा दोलोनि भट गावस्त्रानायाव बिजेपिआ देरहागोनः नुमल ममिन

नगाव, 12 मे: बे खेबआव नगावआ बिजेपिनि आखायाव फेगोन। ङ नुमल ममिनआ नगावखौ लानानै गोखों फोथायथि फोरमायदों। नगावआव बिजेपिनि देरहासारनाया रोखा। एसेल' भटनि फारगथियाव सुरेश बरआ देरहासारगोन। नगाव लकसभा (□ 5 बिलाइआव)



## एबसुआ बड'लेण्ड सोमावसारनायनि गिबि आइजो मुंख्लं गायदे बसुमतारि आरो हेलेना बसुमतारिनि 36थि मुंख्लं सान फालिदों



कक्राझार, 12 मे: दुलाराय मलुगनाडैदिनै 12 मे जोनोमगिरि बिमा सानखौ फालिनाय बायदिनो दुलाराय बर' फरायसा आफादआबो बिमा माहारिखौ सनमान होनानै कक्राझार सहरनि (□ 5 बिलाइआव)

## ब्रिटेननि हाउस अफ लर्डसयाव असमीया फोलेरनि आयेशा हाज रिकाया सायख' जादों

गुवाहाटी, 12 मे: ब्रिटेननि हाउस अफ लर्डसयाव असमीया फोलेरनि सासे आइजोआ मुंदांखा जानो हादों। आसाम फोलेरनि आयेशा हाज रिकाया गिबि ब्रिटिस इन्डियान महेरि ब्रिटेननि गोजौ सदनयाव सायख' जादों। ब्रिटिस गोजौ सदनयाव सायख' जानाय आयेशा हाज रिकाया स्कटलेन्ड कर्टब्रजनि थागिरि। गिबि (□ 5 बिलाइआव)



जोलैनि ब्रिटिस भारतआरि आयेशा हाजरिका नि बिफा फाहामगिरि डः लियाकट आलि हाजरिकाया 1960 माइथायावोनो (□ 5 बिलाइआव)

## विजेपिआ 230 मासि मोनब्लाबो सरकार दाफुंनो हानाय नडाः केजरिवाल

गोदान दिल्ली, 12 मे: 21 मार्चआव जौनि गसरआव केजरिवालआ हमजानो गोनां जादोंमोन। गासै 50 साननि उनाव शुक्रबारआव केजरिवालखौ आगु जामिनआव जोबथेसालिनिफ्राय उदां खालामनाय जायो। लकसभा बिसायख 'थिनि बाश्नाखौ गोसोआव लाखिनानै गोजौसिन बिजिसालिया केजरिवालनो 21 साननि जामिन गनायथि होदों। शनिबार फुंनिफ्राय केजरिवालआ बिसायख 'थि फोसावदिनायाव मुखुब जानानै थानायखौ नुनो (□ 5 बिलाइआव)



गोदान दिल्ली, 12 मे: कंग्रेसनि दैदेनगिरि राहुल गान्धीआ गाहाइ मन्थि नरेन्द्र मदिखौ फुथुला राजा होन्ना गोखों रावजों सोंखारिनायखौ नुनो मोन्दों। सानथामसो सिगां मोनसे सुबुं गौमायाव बाहागो लानानै मदिआ अजद दैखादोंमोनदि, आम्बानि-आडानीआ कंग्रेसनो बस्तयाव धोन सोनानै हरदोंमोन। बेनि उनावनो उत्तर प्रदेशनि मोनसे जथुम्पानिफ्राय राहुलआ मदिखौ (□ 5 बिलाइआव)

## बर' रावनि गिबि लाइसि 'बिबार लाइसि' नि जौसे बोसोरारि सान फालिदों

कक्राझार, 12 मे: कक्राझार सरकारि फरायसालिमायाव दिने रबिबारखालि बर' रावनि गिबि लाइसि 'बिबार लाइसि' नि जौसे बोसोरारि सान फालिनाय हाबाफारि खुंदों। कक्राझार सरकारि फरायसालिमायि हान्जायनायाव सानसेनि बाबाफारिजों बिबार लाइसिनि जौसे बोसोरारि हाबाफारिखौ खुंनय जायो। मख'नो गोनादि, (□ 5 बिलाइआव)



दिनेनिफ्राय जौसे बोसोर सिगां बिबार लाइसि मुनि बर' रावनि गिबि सावराय लाइसिआ फोसावजादोंमोन। बिबार लाइसिनि जौसे बोसोरारि फालिथाय सानसेनि हाबाफारि बायदिनै दिने मान बाउयो जर'खा लिगिरि नबिन चन्द्र औवारिया। बेनि उनावनो मोनसे गेवलां मेल खुंनय जादों। गेवलां (□ 5 बिलाइआव)

## मन्थि पियुष हाजरिकाआ रहायाव हाब्रां खुरखानायखौ नायगिदिदों



गुवाहाटी, 12 मे: रहायाव कर्लनि दै बानाया सिमफायनाय लामा आरो गिखंधाव खुरखानायखौ दै सम्पद मन्थि पियुष हाजरिकाआ नायगिदि हैनायखौ नुनो मोन्दों। रबिबारआव मन्थिआ रहानि रहासकि, दुर्गाजान बायदि (□ 5 बिलाइआव)

ओन्सोलफोरव दै बानाया खहा खालामनाय ओन्सोलफोरखौ नायगिदि हैनानै बेफोरनि सायाव जरखा राहा लानो थाखाय खोथा होबोनायखौ नुनो मोन्दों। मख'नो गोनादि, रहासकिआव दै बानाया सिमफायनाय लामा एवा हाब्रां खुरखानायखौ बोसोरफोमबो हाफामफिनाय जायोब्लाबो गिखंधाव महरआव बारायबाय थानाय दैआ फिन (□ 5 बिलाइआव)

## माजबातयाव 15 लाख रांनि आइन बेरेखा जौ बिलाथि हमदों



उरां, 12 मे: उदालगुरि जिल्लानि सिडव थानाय लालपानि पुलिस बादानि आसाम अरुणाचल प्रदेश सिमना ओन्सोलनि सिकारिडाडयाव पुलिसआ अरुणाचलनि माखासे जौ बिलाथिफोरखौ बोखदों। अरुणाचल प्रदेशनि तेंगा भेलिनिफ्राय गुवाहाटी फारसे फेंबाय थानाय थासारियाव उरां माजबात-रुपा लामायाव नेमबादियै नागिरसनाय हाबाफारि लानानै एएस 01 इसि 6245 नम्बरनि टाट 709 ट्रकनिफ्राय मोन 374 (□ 5 बिलाइआव)

## लंकायाव सानै बाइक सिखावखौ हमदों

गुवाहाटी, 12 मे: लंका पुलिसनि जेआव सानै सिखावआ नानानै हमजानो गोनां जानायनि खौरं मोन्नाय जादों। मिबथिनो मोन्नाय बायदिब्ला, बे सानै सिखावखौ लामिडं रेल स्टेसननिफ्राय हमनो मोन्नाय जादों। हमजानाय सानै बाइक सिखावफोरखौ लामिडं गान्धी कलनिनि बिस्वजित दास आरो गुबुन सासेखौ हजाइनि गोदान बाजारनि बिपुल नमुशुत्र होन्ना सिनायथिनो हादों। लंका पुलिस थानायाव थिसनजानाय एएस 02 जेट 0224 नम्बरनि बाइक गोमानायनि गसरखौ उनसंनानै बिसोर सानैखौबो हमनो मोन्नाय जायो। सिखावखौ (□ 5 बिलाइआव)













